

Tschäderios 2014



Macho

Vor Testosteron tuen ich nur strotzä
Bin aber gstylt und parfümiert
Min Adonisbody isch zum protzä
Mini Sprüch diä sind beliebt

Vo villnä wird ich nur belächlet
Dä Erfolg git mer aber rächt
Wänn mer d Frauä nachähächlet
Liit's a mir nöd am schwachä Gschlächt

Macho Macho was für äs Läbe
Macho Macho wetfi sii
Wänn ich chumä, schmelzet all Frauä dähii
Macho Macho sii isch super
Macho Macho sii hät Style
Als Prachtshengscht betitlet z werde, das isch geil

Bärewirt

Er isch än Restaurantbesitzer
Hät super Chatzä i sim Stall
Wo mega geschickt dur s Reschti flitzet
Uf ihri schönä Auge lueget all

D Schänner Fraue wänd bi ihm sii
I sinere Beiz da händs dä Spass
Au s'Lisi Steiner ziehts zu ihm hii
Und chlopft mit ihm öpä än Jass

Bärewirt wiä dä Dani

Gmeindspräsi

Er hät sin Bürostuehl im Gmeindshuus
Sin Azug, sini Brüllä diä sind Kult
I sim Job da chunt er druus
Er verchauft sich guet am Rednerpult

So überzügt er d Schänner Fraue
Mit sinä Wort und mit sim Charme
Üsi Stüürä ufähzhauä
So eifach gahts als Fraueschwarm

Gmeindspräsi wiä dä Sevi

BH – Muschter

Was dä Grobä Stefan am Turnfäscht so
macht
isch luter Seich, so dass jedä lacht.
An BH gfunde und scho agleit
dann hät er nä dä ganz Tag treit.

Für äs wiili leit er sich ad Sunnä hii
das git än Sunnäbrand, will er schlaft ii.
Än supersexy Ruggä hät drum üsä Maa
will äs BH-Muschter lüchtet da

Tennisspieler stöhnet z lut

Will dä Tennisclub gern Plätz zum spilä het
gits im Eichä hindä äs Bauprojekt.
So Plätz wänd det hindä aber nöd all
gseh
Drum häts dann vill Isprache geh

D Awohner säget äs gäb vill z vill Krach
dä Tennisclubler wirts nöd eifach
gmacht.
Dä Lärm macht ihnä villicht alles kaputt
ja diä Tennisspieler stöhnet z lut.

Metzgermeischer

Ä ganzes Harem i sim Lade
Nei, das isch kei Prahlerei
So viel Fraue da gasch abe
So gsehts us i sinre Metzgerei

Ganz sexy gsehsch ihn Mässer schliifä
Vo überall chönd d Fraue her
Um sich a sim Fleisch z vergrüifä
Als Fraueheld da häschs nöd schwer

Metzgermeischer wiä dä Bruno

Nationalrat

Ä huufä Frauä tüend ihn wähle
Damit er is Bundeshuus cha gah
Ihm Fernseh gsehnds ihn dann schön gstrählet
Üsä heiss begehrti Maa

Det setzt er sich lutstark defür ii
Dass d Manne d Waffe dihei händ
Das bringt ihm no meh wibichi Gunst ii
Will d Frauä entschlossni Manne wänd

Nationalrat wiä dä Köbi

Chämifäger

Vom Schaffä isch er ganz schön schmutzig
Genau drum gseht er sexy us
Sini Frauehosä machet stutzig
I dä Modä chunt er aber druus

Vili Frauä lütet ihm aa
Doch sini Ziit isch zimli rar
Will dured mueser uf Huusbsuech ga
Im Ruessnä isch er unschlagbar

Chämifäger wiä dä Pius

Flirtä uf dä Autobahn

D Michèle Rüegg het kei Rueh uf dä
Autobahn
Typä, wo wend flirtä, triibet sie in Wahn.
Da fahrt doch einä immer wieder nöch
verbi
und merkt sich d' Autonummre debi.

Spöter lütet dä Herr bim Peter Rüegg
diheime a,
er wet mit dä Michèle eis go trinke ga.
Dä Peter denkt, dä spinnt und seit dem
Burscht
Ich glaube d Michèle het kei Durscht.

Öffentliches Urinieren

Wenn d Mannä seiche münd, denn isch
das sonen Fall
sie lönd d Hosä abä eifach überall.
De Luky, de Jüdel und dä Steini
In Rathausbrunnä seichets dri

Doch de Zuefall hets wellä, sie sind nöd allei
sie werdet ertappt vu dä Polizei.
Diä stellet d Schiwerfer i – d Nacht wird zum
Tag
Für üsi Pisser isch das Liecht e Plag.



SEX BOMB

M
A
C
H
O

M
A
C
H
O

Terminkollision

Üsi Sabel Silv het e CD ufgnoh
ihri Stimm schalte und walte loh.
Für d CD-Taufi het sie z Mehrzweck wellä ha
bi dä Gmeind het sie drum gfröget gha
Für dä Alass het z Silv z Okey übercho
doch d Trachtergruppe cha das gar nöd verstoh
Ihres Chränzli händs jedes Jahr uf das Datum gsetzt
doch wäg dä Gmeind isch z' Mehrzweck das Mal bsetzt.

Hotelflitzer

Ihri Feriä gnüsst d Cindy Gmür mit ihrem Schatz
Im Hotelzimmer nännts ufem Balkon Platz.
Idä Uderpfüpf wänds zämä no romantisch si
doch d Tür isch plötzli gschlossä gsi.
so stönds halbnackt duss, das isch zum wättere
wills nüm inä chönd, müends abechlättere.
wos nachher liecht bedeckt idä Lobby stönd
da frögt mer sich was diä da wönd.

Maras Holperfahrt

Ja Üsi Steiner Mara
tuet in Östrich Auto fahrä
ganz genehm
dä Michi ihres Schätzli
hät's uf em Bifahrersitzplätzli
ganz bequem
er muess sich kei Sorgä mache
dass es irgendwann sött krache
ganz fatal
d Mara duet sich konzentrierä
dass au ja nüt cha passierä
isch ja ganz normal
Wo sie will vor mä Reschti parkierä
muess sie leider realisierä
da hät's kei platz
so seit sie: "ich fahr hinder s' Reschti hindrä,
det wir ich scho äs Plätzli gfindä,
gäll min Schatz"
sie bemerkt eifach chli z' spat
dass es det nöd dure gaht
das chas geh
det dure fahre sötsch nöd wage
will det gahts ä Stäge abe
oh je minee
Ta-dam, ta-dam. Ta-dam, ta-dam, ta-daaaam
so hangets schön in Schräglag fescht

Dä Kari

De Kari de Kioskbesitzer
I sim Lädeli da sitzt er
dä ganz Tag.
Er git Fahrplanuskünfft durä
das macht er ohni murrä
isch ja kei Frag.
Billet verchauft, das duet er
und für d Reis ächli Fueter
chasch alles ha.
Chasch sogar es Bierli trinkä
er wür di au niä linkä
händ mir gmeint gha.
Chaufschs bi ihm mal es Lösli
gwünnsch nöd mal es Rösli
ja so gaht's.
Mir chönd no so fescht rublä
und gwünnet niä öppis mir Dublä
Wer verstahts?
Doch üse Richebach Kari
de muess vom Glück verfolgt sii
wiä's Gott will.
Er chaufft sich selber es Los
det dri isch en Priis, schüli gross
das isch z'vill.
Hey hey hey hey hey
Er gwünnt äs Auto bi Happy Day.

Orientierigslos

Dä Männerchor gaht wie jedes Jahr
Uf en Usflug mit em Car
zum Spass ha.
Uf Estavayer werdets transportiert
alles isch top organisiert
hends gmeint gha.
Voller Vorfreud chömets a
uf das, wo sie erwartet da
im Wälschland.
Dass sie wend go essä ga
bi denä feine Sachä da
liit uf dä Hand.
Doch wos ihres Reschti gönd go suechä
isch das nöd z' gfindä, es isch zum fluechä
diä Beiz isch furt.
So müends no im Car sitzä blibä
und chönd no länger nöd usstigä
dä Magä chnurr. t.
Wiä schnell diä Ziit verrinnt
Wänn mer s' Reschti eifach nöd gfindet
das glaubt mä nöd.
Dä Reiseleiter isch so verwirrt
dass mä zwei Stund umäirrt
ach, wiä blöd.
Neei, wiä chaa daas sii?
En tollä Usflug isch's glich gsi.

Pannäbinker

D Laura Steiner isch viel mitem Auto on tour
Das meisteret sie meistens mit bravour.
Doch öppä mal gits halt glich es Missgschick
sie het nöd immer dä Durchblick.
So parkiert sie ihres Auto zmizt im Gscheh
stellt dä Pannäbinker i, ohni das z' gseh.
Wo sie nach 3 Stund wieder zrugg isch gsi
blinkt das Auto immerno vor sich hii.



Resi der Workaholiker

Für d Gassä Tschäderer vo Schänis
laufft über d Fasnacht grad chli nämis
mä gsehts überall.
Jedes Wuchenend lönds es krachä
uf dä Bühni dönds Stimmig machä
so ischs jedäfall.
Klar isch, dass sie nach somnä Wuchenend
nu gern mal en Tag frii wend
mä chas verstah
Drum het dä Res sich überleit
wenn er sini freie Täg itreit
en gschiidä Ma.
Nach dä wiedermal strengä Fasnacht
het dä Resi darum frii gmacht
wien er's will.
Am Fasnachtszistig isch er froh
muess er nöd go schaffä go
das wer z'vill.
Am Mittwoch hetter sich zwungä zum Schaffä
det het sin Chef blöd müessä gaffä
was macht dä da?
Er het dä Arbeitsplan studiert
und denn de Resi informiert:
„Du hetsch frei gha“.
Nei nei nei nei neii
Jetzt gang ich Latsch halt wieder hei.

Reisen by Fäh

D Frauä Fäh sind in London gsi
Und händ vill Spass gha däbi
Isch ja klar
Doch uf dä Heireis lauf's nöd so rund
Sie händ Verspötig mängi Stund
Furchtbar
Anstatt ds Züri chömets ds Basel a
Und münd vo det es Taxi ha
Än Seich isch das
D'Ivana hät alles organisiert
Doch was isch dänn da passiert?
Frögt mer sich da
Am Flug di London sinds pünktlich parat
Wo's für sie heigant
Zrugg id Schwiz
Doch ihrä Flüger gfindets nöd
Er isch nöd umä – cheibe blöd
A was liit's?
S'wär hat guet wänn mer lueget
Vo welle Airport us mer buechet
Das wär's gsii
So händs am falsche Flughafe gwartet
Und ihrä Flüger isch dänn gstartet
Ohni sie
...
So isch dä Flüger eifach furt!

M
I
E
F

